

Polucion

Aruba ta un isla sushi. Esey ta algo cu tur hende sa, no di awor pero pa un cantidad di aña caba. Diariamente turistanan cu ta bishita nos isla ta muestra ariba esaki.. toch parce cu nos no ta haci caso di e reclamo of remarcancan aki.

Nos isla ta sushi ! Esey ta algo cu aña aden aña afo ta ser menciona. Mester tene nos isla limpi ! Pero ta manera cu ta cu spirito tur hende ta papia, ta manera cu ta pa spirito tur emisora ta anuncia y tur corant ta skirbi. Nos isla ta sigui sushi!

Algun aña pasa Comision 2000 a trata di trece un cambio den esaki. Pa algun siman den tur bario a haci limpi. Tur hende a muestra poco entusiasmo pero asina cu nan a termina nan dia di trabao, haciniento limpi a termina tambe.

Nos isla a sigui sushi. Gobierno a dicidi di forma un equipo di trabao cu ta haci lugaman limpi na diferente caminda. Algun dia pasa por a ripara atrobe con bon nos ta den tenemento di nos isla limpi. E comision ta caba su trabao un caminda y poco dia despues e lugar ta mes sushi cu e tabata.

Nos ta sigui comenta cu nos isla ta sushi. Turista nan ta sigui comenta cu nos tin un "dirty island" y cu tur razon nan ta bisa asina, y ta parce cu ningun hende kier tende.

Comision di Tene Aruba Limpi, ta teniendo nan campananan. Varios organizacion ta colabora, varios comerciante ta duna un man, pero ainda no ier dreña den nos mente cu nos isla ta sushi y cu mester tene nos isla limpi.

Lo por yega un dia cu nos lo arepentí di esaki y mirando e noticianan internacional di ayera, nos wowo a cay ariba algo cu si e mester tuma lugar pa Aruba, nos turismo lo ser seriamente afecta.

Esaki ta un boycott di turismo, djies pasobra nos isla ta sushi.

E noticia internacional di ayera no ta basa ariba nos isla, ni ariba polucion di sushedad manera tin ariba nos isla, pero e posibilidad cu algo asina por tuma lugar contra Aruba pa su sushedad ta existi sinembargo.

Gruponan di ambiente di diez pais Europeo, entre nan Hulanda, a cuminsa un accion pa boycott turismo pa Gran Bretaña. Ta trata aki di un protesta contra polucion di aire cu ta bini for di islanan britanico.

E gruponan aki ta representa mas o menos 2 million europeo y tin como nomber "Friends of the earth international"

Nan accion a cuminsa cu mandamento di 50 mil postkaart pa politiconan, operadorman di hotel y organizacion turistico na Gran Bretaña, ariba cual

interes grandi pa apertura di cas pa nos grandinan

ORANJESTAD(AAN)—

Ayera mainta a tuma lugar apertura di cas pa nos grandinan, den presencia di varios dignatario di nos isla y tambe un cantidad di invitadonan y personanan cu a muestra interes pa e centro aki.

Despues cu Trio Huasteca a canta himno di Aruba, a dirigi palabra

presidente di Fundacion Centro pa nos grandinan Sr. Eric D'Amault, tambe diputado Grace Bareño, Sr. Roly St. Jago representando Rotary prome cu sr. Bernabe Kelly y Joanne Lacle a habri portanan di e centro oficialmente.

E actividad aki a ser anima pa caha di orgel di

Tony.

Sr. D'Amault a repasa historia di e centro mostrando ariba fundacion di e centro, yudanza ricibi di gobierno, y di comunidad cu a duna apoyo na Fiesta Rotaria, y tambe a introduci e trahadorman di e centro-na e publico presente "Mas o menos mei millon florin a wordo hinca den e proyecto aki y pa esnan cu ta busca paradero di e 300 millon, aki por mira mei millon", el a muestra.

Tambe Sr. Amault a elabora ariba e yudanza di parti di comercio y e 200 mil cu Rotary a hinka den e proyecto.

Mr. Roly St. Jago a duna di conoce cu ayera tabata conclusion exitoso di e caminda cu Rotary a scohe ora cu a dicidi di stop di duna donacionnan chiquito aki y aya.

„Awe nos ta para dilanti un proyecto grandi cu Rotary a carga pero cu ta di nos sociedad completo y pa e grupo di ancianan", el a indica.

Mas despues el a muestra cu e apertura sinembargo lo ta algo di un rato pero loke lo dura despues di ayera ta e responsabilidad pa sigui opera y mantene e centro y pa esey mester di un y tur pa yuda.

Diputado Grace Bareño a duna di conoce cu ora cu pa medio di Rotary e proyecto a yega na mesa di Gobierno, no tabata tin ningun dificultad pa duna tur cooperacion necesario ya cu gobierno for di inicio di e idea pa bini cu e proyecto aki a duna su sosten completo pasobra gobiernu ta realiza cu mester di mas atencion pa ancianonan.

Remedi nobo

ORANJESTAD(AAN)—Centro pa nos grandinan aparentemente ta un remedi nobo pa ancianonan y cu a ser inventa ayera.

Diputado Grace Bareño ayera mainta a expresa den su discurso:

„Awor nos ta bay habri na Piedra Plat un pasadia (no anochi) pa anciano- Siguí lesa pag. 16

postkaart nan ta menciona: We love your country—but not your pollution" (Nos ta stima bo pais pero no bo polucion).

E accion aki ta basa ariba e hecho cu aire sushi yen di polucion industrial ta sali for di Inglatera y biento ta dirigi esaki pa e continente Europeo y paisnan scandinavo, den forma di awacero zuur.

Esaki ta muestra caba cu e accion no ta pa sushedad manera tin ariba nos isla, pero no por keda sin descarta e posibilidad di un accion similar contra Aruba, pero pa e sushedad cu tin tur rond ariba nos isla.

Segun e organizacion, e unico manera cu por haci algo contra sushedad ta pa mishi cu e pais económicamente y si un accion asina mester tuma lugar contra Aruba, económicamente e lo hinca nos mas hundo den e problemanan cu nos tin caba y e lo afecta nos unico industria cu ta esun di turismo gravemente. Ta pesey tambe nos mester bira conciente di limpieza di nos isla. Pone un man y pone un fin na tiramento di sushi unda cu ta y con cu ta. Nos muchanan mester wordo intruí for di chiquito ariba e importancia di un isla limpi. Mester bini un biaha mas un campaña fuerte cu lo por stimula un y tur pa duna un man. Nos no por keda para mira dia aden dia afo, con nos isla su naturalesa ta ser decora cu stove, auto, frigidaire, aircó, cama y muebles bieuw. Esakinan no ta e bistanan cu bishitantenan kier mira. Nos no por keda para mira con den centro di ciudad, con den centro di e barionan di nos isla, dump nan chiquito ta ser lanta diariamente. Ta nos obligacion pa tene nos isla limpi, y manera por tende ultimo temponan "si nos mes no haci'e, ta kende lo haci'e pa nos?".

KLIM

E LECHI DI AYERA,

AWE Y MAÑAN

ENRIQUECE CU VITAMIN A y D

Ku un grandioso campaña ku

250 PREMIO

KAMBIA E BLEKI BASHI DI KLIM

(1 TICKET PA KADA LIBER) NA:

ODUBER AGENCIES N.V.

BEATRIXSTRAAT 48 - TEL. 25333



E PREMIONAN TA CONSISTI DI:

- | | |
|--------------------|--------------------------|
| 10 Tabla di strika | 10 Toaster |
| 19 Rice cooker | 10 Hero di strika |
| 11 Fan di mesa | 12 Radio portatil |
| 10 Hair blower | 2 Set di weya |
| 7 Pesa pa baño | 50 Set di kuchiu ku fork |
| 30 Horloge di man | 24 Kanika di awa |
| 1 Camara | 24 Parker pen |
| 20 Ketel | 10 Set di calculator |

Sorteo lo ta tur
Diavierna pa 10 siman
3 or via Radio Carina.

Prome sorteo lo ta
October 4, 1985.

TUR SIMAN 25 PREMIO